



Na osnovu člana 10. stava 5. Zakona o nacionalnim savetima nacionalnih manjina (Sl.gl.RS.72/09) i člana 16. stava 6. Statuta Bošnjačkog nacionalnog vijeća a na prijedlog stručne komisije imenovane od strane Vijeća, Bošnjačko nacionalno vijeće na 88. sjednici Izvršnog odbora održanoj 06.04.2012. godine u Novom Pazaru, donijelo je:

ODLUKU
O PROGLAŠENJU HIMNE SANDŽAČKIH BOŠNJAKA

Član 1.

Himna sandžачkih Bošnjaka je svečana pjesma „Ja sin sam tvoj“.

Član 2.

Tekst himne „Ja sin sam tvoj“ glasi:

„Ja sin sam tvoj

U plavo Božije prijestolje
Kliču zvuci s bogomolja
To su pjesme zemlje moje
Gdje huče gore i šume polja

Mila sura i žestoka
Sandžak je zemlja ponosna
Čuvam te kao i dva oka
Ja sin sam tvoj zemljo
Ja sin sam tvoj

Tamo na Limu zlatno zrnce
A na Ibru zora plava
Nad Pazarom spava sunce
Niz Pešter se razlila Vapa

Mila sura i žestoka
Sandžak je zemlja ponosna
Čuvam te kao i dva oka
Ja sin sam tvoj zemljo
Ja sin sam tvoj“

Član 3.

Himna sandžačkih Bošnjaka izvodi se instrumentalno i horski.
Himna sandžačkih Bošnjaka izvodi se prilikom obilježavanja nacionalnih blagdana, nacionalnih, kulturnih i sportskih manifestacija, dodjeljivanja nacionalnih priznanja, kao i prilikom obilježavanja drugih značajnih datuma i događaja iz historije i kulture sandžačkih Bošnjaka.

Član 4.

Sastavni dio ove Odluke je notni zapis, instrumentalni i horski zvučni zapis, uz tekst koji je utvrđen članom 2. ove Odluke.

Član 5.

Ova Odluka stupa na snagu danom donošenja.

Novi Pazar,
06. 04. 2012. godine

Predsjednik Vijeća
Esad Džudžević, narodni poslanik

